



ISUMAQATIGIISSUT

Kalaallit Nunaanni Sulisitsisut (GE)

aamma

Sulinermik Inuutissarsiqartut Kattuffiata (SIK)

akornani

Kiffartuussinermi Assartuinermilu

Nal. akunnermusiaqarlutik sulisut pillugit

1. april 2026 - 31. marts 2029

Imarisai

§ 1 - Isumaqatigiissutip imarisai	4
§ 2 - Piffissaq suliffik	4
§ 3 - Atorfilitut angalanermi saniatigut aningaasartuutit	5
§ 4 - Atisat atortullu ajoqusernaveeqqutit.....	6
§ 5 - Uparuaasinnaatitaaneq	6
§ 6 - Akissarsiat tunniunneqartarnerat.....	6
§ 7 - Sulingiffeqarneq sulingiffeqarnerisutillu.....	7
§ 8 - Toqukkut qimataasut aningaasarsiassaasat	7
§ 9 - Napparsimaneq	8
§ 10 - Naartuneq, ernineq qitornavissiartaarnerlu	10
§ 11 - Qitornamik napparsimasoornermi sulingiffeqarsinnaatitaaneq	10
§ 12 - Pisortanit toqqakkatut qinikkatullu suliassaqartitaanerit	11
§ 13 - Sulingiffeqarnerit immikkut ittut allat	12
§ 14 - Aaqqiaggiingissutit kinaassusersiortumillu soraarsitsinerit	13
§ 15 - Sulisut sinniisoqarnerannik malittarisassat.....	13
§ 16 - Tunngaviusumik akissarsiat	13
§ 17 - Qaangiuttoornerit.....	14
§ 18 - Sapaatini nalliuttunilu tapisiat	16
§ 19 - Nalliuttuni ulluinnartigoortuni tapisiat	17
§ 20 - Piffissami nikingasumi sulinermut tapisiat.....	18
§ 21 - Paarlaattarluni sulinermut tapisiat	19
§ 22 - Akkorderluni sulineq.....	19
§ 23 - Akkordersinnaannginnermut tapisiat	21

§ 24 - Sulinermik unitsitsinerit.....	21
§ 25 - Suliartoqquneqaratarsinnaanermut tapisiaq.....	22
§ 26 - Immikkut tapisiat.....	22
§ 27 - Soraarnerussutisiassanut akiliutissat taakkualu akilerneqartarneri.....	23
§ 28 - Soraarsitsinermik / soraarnermik nalunaarnissamut piffissarititat.....	24
§ 29 - Piffissaq isuma qatigiissutip atuuffissaa.....	26

§ 1 - Isumaqatigiissutip imarisai

Isumaqatigiissummi matumani pineqarput:

- a) Lærlingit
- b) Sulisartut ilinniarsimangitsut
- c) Sulisartut ilinniagaqarsimasut

Kalaallit Nunaanni Sulisitsisut Peqatigiiffianni Kiffartuussinermi Assartuinermilu suliaqarfiusuni ilaasortat suliffiutaanni nal. akunnermusiaqarlutik atorfinittut isumaqatigiissutinullu allanut attuumassuteqangitsut, matuma kinguliini sulinermik inuussutissarsiutilinnik taagorneqartussat.

Imm. 2. Lærlingitut inersimasut sungiusaammik sulisut isumaqatigiissummi matumani ilinniarsimangitsunut malittarisassat malissavaat.

Imm. 3. Sulinermik inuussutissarsiutillit lærlingitut ilinniagaqarnermik, EFG-mi ilinniagaqarnermik imaluunniit STI-mi ilinniagaqarnermik naammassinnissimasutut allagartallit, fagini allagartaqarfimminni suligunik sulisartutut ilinniarsimasutut naatsorsuunneqassapput.

Imm. 4. Sulinermik inuussutissarsiutillit immikkoortuni 2-mi 3-milu ilaatinneqangitsut sulisartutut ilinniarsimangitsutut naatsorsuunneqassapput.

Imm. 5. Sulinermik inuussutissarsiutillit tamarmik, qaammat ataaseq sinnerlugu atorfeqarsimasut pisinnaatitaapput atorfeqarnermut uppernarsaammik tunineqarnissaminnut, tassani allassimassalluni ulloq atorfiniffik. Atorfeqarnermut uppernarsaamma allassimassaaq sulinermik inuussutissarsiutillip isumaqatigiissut suna naapertorlugu atorfeqartitaanersoq.

§ 2 - Piffissaq suliffik

Piffissaq suliffik nalinginnaasoq (piffissaq suliffissaatitaasoq) tassaavoq ullut 14-it ingerlaneranni nal. akunneri 80-it, taakkulu naatsorsorneqassapput ataasinngornermiit sap. akunnerata tulliani sapaat ilanngullugu. Sullivinni Kiffartuussinermi Assartuinermilu piffissaq suliffik

aalajanernejassaaq sulliviup pisariaqartitsinera malillugu.

Sullivinnut assartuineramik sulialinnut tunngatillugu, allamik isumaqatigiissuteqartoqarsimanngippat, piffissaq suliffik sapaatip akunnerata ulluini siullerni tallimani tassaavoq nal. 06.00-ip aamma nal. 17.00-ip akornat arfininngornikkullu nal. 07.00-ip aamma nal. 14.00-ip akornat.

Imm. 2. Suliffiup pisariaqartitsinera aallaavingalugu piffissaq qanoq ilinerani sulisarnissaaq sulisorisat taakkualu sinniisaasa oqaloqatigereernerisigut sulisitsisumit aaliangersarneqartassaaq. Isumaqatigiinngitsoqartillugu SIK uparuaasinnaatitaavoq, takuuk § 5.

Imm. 3. Piffissap suliffissap iluani takkutinngitsoornerit akissarsiatigut ilanngaatigineqartassapput. Akissarsiatigut ilanngaassineq tassaassaaq nal. akunnerini takkutinngitsoorfinni sulisup nalinginnaasumik nal. akunneranut akissarsiai kiisalu tapisiaqarsimappat nal. akunneranut tapisiai ilanngullugit. Nal. akunnerata affaa tikillugu takkutinngitsoorneq nal. akunnerata affaani sulinngitsoornertut nalilernejassaaq.

Imm. 4. Atorfimmut atatillugu angalanermi piffissaq atugaq piffissatut sulinermi atukkatut ilivitsutut nalilernejassaaq. Taamaattorli piffissap angalanermi atukkap taamatut naatsorsorneqarnerata kingunerissanngilaa ulloq taanna piffissamik suliffissaatitaasumik naammasinnissimanngitsutut isigineqarneq. Kisianni nal. 22.00-ip aamma 08.00-ip akornanni angalaneq sulisoq siniffissaqartinneqarsimappat piffissatut suliffittut isigineqassanngilaq.

§ 3 - Atorfilittut angalanermi saniatigut aningaasartuutit

Sulineramik inuussutissarsiutillit angerlarsimaffigisaminniit allamut aallartinneqarallartut immikkut akissarsitinneqartassapput Namminersorlutik Oqartussani kommunenilu tjenestemandit pillugit malittarisassat naapertorlugit.

§ 4 - Atisat atortullu ajoqusernaveeqqutit

Atisat atortullu ajoqusernaveeqqutit Sullivinnik Nakkutilliisoqarfimmit fagini sulianilu assigiinngitsuni piumasaqaatigineqartut sulisitsisumit sulinermik inuussutissarsiutilimmut akeqanngitsumik tunniunneqartassapput.

Imm. 2. Sulinermik inuussutissarsiuteqartoq pisussaavoq atisat atortullu ajoqusernaveeqqutit imminut tunniunneqarsimasut atussallugit.

§ 5 - Uparuaasinnaatitaaneq

Illuatungeriit tunngaviusumik isumaqatigiissutaat 13. december 1994-imeersoq naapertorlugu SIK kattuffittut uparuaasinnaatitaavoq isumaqaruni ulluinnarni qaqugukkut sulisarnissamik arfininngornikkullu sulinngittarnerup aqqissugaanerannik sulinermik inuussutissarsiu-tillit kissaataat naammattumik naatsorsuutigineqarsimanngitsut, tamannalu suliffiup pisaria-qartitsineranik naammattumik tunngavilersorneqarsinnaanngippat.

Imm. 2. Sulinermik inuussutissarsiutilik §§ -ini 3-4-ini aamma §§ 16-25-ini aamma § 27-imi pi-sassarititanik pisinnaassanersoq nalornisoorutigineqarpat aammalu tamanna pillugu sulisut sinniisaat aqutigalugu saaffiginnissutit naammaginartumik aaqqiiffiunngippata, suliassa-q illuatungeriit tunngaviusumik isumaqatigiissutaanni malittarisassat naapertorlugit suliarine-qarsinnaavoq.

§ 6 - Akissarsiat tunniunneqartarnerat

Piffissaq akissarsiorfik ullunik 14-inik sivisussuseqarpoq, taannalu naatsorsorneqartarpoq ataasinngorneq aallarnerfigeriarlugu sap. akunnerani tulluuttumi sapaat ilanngullugu.

Imm. 2. Sulinermik inuussutissarsiuteqartup nalunaarutigissavaa Kalaallit Nunaanni Dan-markimiluunniit aningaaserivimmi konto akissarsiat nakkartinneqarfigisinnaasaat.

Imm. 3. Akissarsiat tiguneqarsinnaangortassapput piffissap akissarsiorfiup naanerata kingorna sap. akunnerani tullermi tallimangornikkut.

Imm. 4. Sumiiffimmi pissutsit patsisigalugit akissarsiat aningaaserivimmi kontomut nakkar-tinneqarsinnaangikkaangata akissarsiat nalinginnaasumik tunniunneqartassapput piffissap akissarsiorfiup naanerata kingorna sap. akunnerani tullermi tallimangornikkut. Akissarsiat piffissap nalinginnaasumik suliffiup nalaani tunniunneqartassapput. Sulineramik inuussutissarsiutillip akissarsiani tallimangornikkut tigusinnaasimangikkaangagit piumasaqarnera tungavigalugu tunniunneqartassapput.

Imm. 5. Ulloq nalinginnaasumik akissarsiffissaq nalliuttuusimagaangat akissarsiat ulluinnarmi nalliuttup siuliani kingullermi tunniunneqartassapput.

§ 7 - Sulinggiffeqarneq sulinggiffeqarnerasiutillu

Sulineramik inuussutissarsiutillit ukiumoortumik feriarsinnaatitaapput feriartarneq pillugu inatsisartut inatsisaat qaqugumulluunniit atuuttoq naapertorlugu. Inatsisartut inatsisaanni nr. 10-mi, 12. november 2001-imeersumi § 2 naapertorlugu malittarisassat immikkut ittut matuma kinguliiniittut isumaqatigiissutigineqarput.

Imm. 2. Sulineramik inuussutissarsiutillit pisinnaatitaaffigaat akissarsiarisimasat 12,5 %-iinik sulinggiffeqarnerasiassanut katersinissaq, kisianni taakkununga ilaatinneqassanngillat § 3 naapertorlugu aningaasarsiat, § 11 naapertorlugu ullormusiat kiisalu § 27 naapertorlugu soraarnerussutisiaqalernissamut sulisitsisup akiliutai.

§ 8 - Toqukkut qimataasut aningaasarsiassaat

Sulineramik inuussutissarsiutillik atorfeqarnermi nalaani toquppat uillarneranut / nuleer-neranut qitornaannulluunniit 18-it inorlugit ukiulinnut sulineramik inuussutissarsiutillip pilersuisussaataaffigisaanut aningaasat ima annertussusillit tunniunneqassapput:

Suliffimmi tassanerpiaq ukioq 1 sulisimagaanni: Sap. akunnerini 2-ni tunngaviusumik akissarsiat nalingi.

Suliffimmi tassanerpiaq ukiut 2 sulisimagaanni: Sap. akunnerini 3-ni tunngaviusumik akissarsiat nalingi.

Suliffimmi tassanerpiaq ukiut 5 sinnerlugilluunniit sulisimagaanni: Sap. akunnerini 4-ni tunngaviusumik akissarsiasat nalingi.

§ 9 - Napparsimaneq

Sulinermik inuussutissarsiutilik napparsimanini pissutigalugu suliaminik ingerlatsisinnanngippat tamanna akuerineqarluni sulinnginnertut naatsorsuunneqassaaq, aatsaalli pineqartoq sulinermini piaaraluneerluni mianersuaalliorujussuarluniluunniit napparsimalersimanngippat imaluunniit atorfininnermini peqqusersiornikkut nappaat pineqartoq nipangiusimasimappagu.

Imm. 2. Nakorsiarnermut atatillugu sulisup sulinnginnerani unioqqutitsinani sulinnginnertut isigineqarpoq, sulisorlu sulinnginnermini akissasiaqassaaq.

Imm. 3. Sulisitsisup piumasarisinnaavaa napparsimaneq nakorsap nalunaarutaa atorlugu uppernarsarneqassasoq. Nakorsap nalunaarutaanut aningaasartuutit sulisitsisumit akilerneqassapput.

Imm. 4. Nal. akunnermusialinnut, sulinermik inuussutissarsiutilinnut piffissaq naallugu atorfilinnut SIK-mut ilaasortaasunut napparsimanerup nalaani ullormusiaqartitsisoqassaaq, aatsaalli pineqartoq napparsimalinnginnermini sivikinnerpaamik ulluni malittuinnarni 30-ni atorfeqarsimappat.

Imm. 5. Napparsimanerme ullormusiaqarnissamut qinnuteqarnermi immikkut immersugasamik immersuinikkut qinnuteqartoqassaaq, immersugassaq taanna illuatungeriinnit akuerisaavoq, taannalu sulisut sinniisuannit atsiorneqartassaaq. Sulisut sinniisoqanngippata SIK-p Peqatigiiffianiit taanna atsiorneqartassaaq.

Imm. 6. Ullormusiaqartitsisoqalertassaaq ullormit sulisinnaajunnaarfimmit siullermiit. Sap. akunneranut ullunut arfinilinnut ullormusiaqartitsisoqartassaaq, kisiannili nalliuttut ulluinnartigoortut ilanngunneqartassanngillat. Qaammatit malittuinnaat aqqaneq marluk ingerlanerini amerlanerpaamik sap. akunnerini 26-ni ullormusiaqartitsisoqarsinnaavoq. Sulisinnaajunnaarnerli sulinerup nalaani ajutoornermik patsiseqarpat suli sap. akunnerini 13-
ini ullormusiaqartitsisoqarsinnaavoq.

Imm. 7. Ullormusiaqartitsisoqarunnaartassaaq ullormiit sulinermik inuussutissarsiutillip sulilersinnaanngoqqiffianiit, tamatumani pineqartoq ingerlaannaq sulilersimanngikkaluarpalluunniit aammalu sulinermik inuussutissarsiutilik ajorunnaarnerminik nalunaaruteqanngitsooraluarpalluunniit. Kisiannili sulinermik inuussutissarsiutilik suliffigisami najugaqarfia qimallugu napparsimanermini katsorsartissimalluni sulisinnaanngoqqissimaguni, angalaner-
mi aqutissat pilertornerpaat atorlugit suliffimminut uternissaata tungaanut ullormusiaqar-
tinneqaannassaaq.

Imm. 8. Napparsimanerup nalaani soraarsitaanermi piffissap soraarfissap tungaanut ullor-
musiat pigiinnarneqassapput, takuuk § 28.

Imm. 9. Ullormusiat kr. 110,00-inik annertussuseqarput piffissamilu akissarsiorfimmi akis-
sarsianut ilanngullugit tunniunneqartassallutik.

Imm. 10. Imm. 3 – 8-nii malittarisassanut lærlingit ilaatinneqanngillat. Taarsiullugu lærlingi
sungiusaammik sulinermi nalaani napparsimanini pissutigalugu sulinngitsoorpat nalingin-
naasumik akissarsiaqartinneqassaaq. Pisussaaffik tamanna atorunnaassaaq lærlingi atasuin-
narmik qaammatit pingasut sinnerlugit napparsimasimappat.

Imm. 11. Aaqqissuussineq sulinermik inuussutissarsiutilinnit ataasiakkaanit atornerlunne-
qarpat, taakkununga atortussaajunnaarsinneqarsinnaavoq.

§ 10 - Naartuneq, ernineq qitornavissiarthaarnerlu

Sulisoq akissarsiaqarluni sulinggifeqarsinnaavoq naartunermut, erninermut qitornavissiarthaarnermullu atatillugu Inatsisartut inatsisaat sukulluunniit atuuttoq malillugu.

§ 11 - Qitornamik napparsimasoornermi sulinggifeqarsinnaatitaaneq

Sulineramik inuussutissarsiutilik pisinnaatitaavoq qitornami mikisup ullormi napparsimaffiani siullermi paarsisussarsinissaatalu tungaanut akissarsiani annaanagit tamakkiisumik ilaannakortumilluunniit sulinggifeqarnissamut. Tamatuma saniatigut sulineramik inuussutissarsiutilik qitornami 0-14-inut ukiullip illoqarfigisami avataanilu napparsimavimmut unitsinneqarneranut atatillugu ullut arfinillit angullugit akissarsiatigut annaasaqaataanngitsumik sulinggifeqarsinnaavoq kiisalu peqqinnissaqarfiup akiligaanik napparsimavimmut napparsimavimiillu angalaqataanermut atatillugu. Nakorsap inassuteqarneratigut /upernarsaaneratigut meeraq angerlarsimaffimmi uninngasussanngortitaappat sulinggifeqarsinnaaneq periarfissiisutiginetarpoq.

Imm. 2. Qitornaasup ullormi napparsimaffiani siullermi sulinggifeqarnissamut tunngavissaatitaapput:

- a) meeqqap ulloq napparsimaffia siulleq,
- b) meeqqap pisariaqartitsineragut tamanna pisariaqartoq aamma
- c) meeraq angajoqqaamini najugaqartoq.

Imm. 3. Qitornap napparsimavimmut unitsinneqarneranut tamatumunngalu atatillugu angalaqataanissamut atatillugu sulinggifeqarnissamut tunngavissaatinneqarpoq sulisitsisup tamatumangga upernarsaavigineqarnissaa. Taamatuttaaq tunngavissaatinneqarpoq sulineramik inuussutissarsiutillip sulinggifeqarnissaq sioqqullugu suliffimmi sivikinnerpaamik ukiumi ataatsimi atorfeqarsimanissaa.

Imm. 4. Immikkut illuinnartunik patsisissaqartillugu nakorsamillu uppernarsaatilimmik, qitor-nap napparsimavimmut unitsinneqarneranut atatillugu imaluunniit angerlarsimaffimmi uninngatitaanerani sulinngiffeqarneq ullut tallimat angullugit sivitsorneqarsinnaavoq.

Imm. 5. Aaqqissuussinermik tassannga atonerluisoqartillugu sulinermik inuussutissarsiutillit ataasiakkaat periarfissamik tassannga arsaarneqarsinnaapput.

Imm. 6. Sulinermik inuussutissarsiutilik akissarsisneqassaaq ullormi pineqartumi piffissap suliffissap nalinganut nalinginnaasumik nal. akunnermusiaasa nalinginik.

§ 12 - Pisortanit toqqakkatut qinikkatullu suliassaqtitaanerit

Sulinermik inuussutissarsiutillit akissarsiaqaratik sulinngissinnaatitaapput toqqakkatut qinikkatullu suliassat makku pisariaqartitsineq naapertorlugu isumaginissaat siunertaralugu:

- a) Kalaallit Nunaanni Inatsisartunut ilaasortaaneq,
- b) kommunalbestyrelsemut nunaqarfimmiluunniit aqutsisunut ilaasortaaneq,
- c) ilagiit sinniisaannut ilaasortaaneq,
- d) atuarfimmi aqutsisunut ilaasortaaneq,
- e) kredsdommeriuneq,
- f) eqqartuusseqataasartuuneq,
- g) illersuisuuneq,
- h) kommunefogediuneq kiisalu
- i) qinikkatut/toqqakkatut suliassaqtitaanerit allat, pisorta qarfinnit oqartussaasunit SIK-p Peqatigiiffiini siulersuisunut ilaasortanut imaluunniit SIK-mi siulersuisuunernut ilaasortanut suliassiissutaasut.

Imm. 2. Imm. 1 malillugu suliffigisamiit qimagusimaneq piffissami suliffiusussaagaluami qaangiuttoornerisqarfissaq sioqqullugu pisoq sumiginnaanertut isigineqassanngilaq. Peqannginnissaq sapinngisamik piffissaalluarallartillugu sulisitsisumut nalunaarutigineqartassaaq.

§ 13 - Sulingiffeqarnerit immikkut ittut allat

SIK-mi ilaasortat akissarsiat pigiinnarlugit sulingiffeqartinneqartassapput SIK-p siulersuisuunerisa ataatsimiinnerinut atatillugu ukiumut ataatsi-miinnerit sisamat angullugit.

Imm. 2. Qanigisat napparsimarulunneranni, toquneranni imaluunniit ilisaaneranni sulinermik inuussutissarsiutilik ullut arfineq pingasut angullugit akissarsiaqaatigalugu sulingiffeqarsinnaatitaavoq. Akiliunneqarluni angalanissamik akuerineqarsimasoq, tak. imm. 5, siumut utimullu angalanerni ullunut marlunnut akissarsiaqartinneqassallutik.

Imm. 3. Qanigisatut isigineqarput: angajoqqaat, aapparisaq katissimasaq taamatulluunniit isigineqartoq, qitornat qatanngutillu, kisiannili aapparisaq katissimasap taamatulluunniit isigineqartup ilaqutai pinnagit.

Imm. 4. Sulisoq sulingiffeqarallaguni, tak. imm. 2, aammalu akiliunneqarluni angalasaguni, tak. imm. 5, sulinermik inuussutissarsiutilik sulingiffeqarallarnissani akiliunneqarlunilu angalanissani sioqqullugu minnerpaamik qaammatini pingasuni suliffeqarfimmi suliffeqareersimasariaqarpoq. Sulingiffeqarallarnissaq, tak. imm. 2 aammalu akiliunneqarluni angalanissaq, tak. imm. 5, allakkatigut sulisitsisumut qinnutigineqassapput.

Imm. 5. Qanigisat, takuuk imm. 3, napparsimarulunneranni toquneranniluunniit uppernaarsatilimmik qinnuteqareernikkut, nakorsamit allagartamik imaluunniit toqunermut allagartamik il.il., sulisartoq suliffimminiit qanigisap napparsimaruluttup toqusulluunniit Kalaallit Nunaanni Danmarkimiluunniit najugaanut akiliunneqarluni angalatinneqassaaq.

Imm. 6. Imm. 1 aama 2 naapertorlugit sulingiffeqarnermi akissarsiat naatsorsorneqassapput pineqartup nalinginnaasumik piffissaq suliffia nalinginnaasumillu nal. akunnermusiai tungavigalugit.

Imm. 7. Sulinermik inuussutissarsiutillit SIK-p Peqatigiiffiini siulersuisunut ilaasortat imaluunniit SIK-p siulersuisuunerinut ilaasortat sulianut tunngasunik suliaqarniarlutik akissarsia-

qaratik sulingiffeqarnissaminnik kissaataat akuersarneqartariaqarput. Tamatumunnga atattillugu ukioq ataaseq sulingiffeqartitsisoqarsinnaavoq.

§ 14 - Aaqqiagiingissutit kinaassusersiortumillu soraarsitsinerit

Aaaqqiagiingissutit illua-tungeriit tunngaviusumik isumaqatigiissutaanni maleruaqqusat malillugit suliarineqartassapput.

Imm. 2. Inuit ataasiakkaat soraarsinneqarsinnaanerannut pisinnaatitaaffiup atorineqarnerani kinaassusersiortoqartassanngilaq. Tamanna pillugu aaqqiagiingissutit tunngaviusumik isumaqatigiissummi siuliani taaneqartumi malittarisassat malillugit suliarineqartassapput.

§ 15 - Sulisut sinniisoqarnerannik malittarisassat

Sulisut siinniisaat pillugit illuatungeriit isumaqatigiissutaat 1. april 2019-imeersoq innersuussutigineqarpoq.

§ 16 - Tunngaviusumik akissarsiat

Lærlingitut tunngaviusumik akissarsiat nal. akunneranut imatut annertussuseqarput:

Akunnersiat	1.april 2026-mit	1. april 2027-mit	1. april 2028-mit
	Akunnersut	Akunnersut	Akunnersut
	Kr.-it.	Kr.-it.	Kr.-it.
Qaammatit pingasut	48,93	51,93	53,93
Ukioq ilinniarfik 1	57,18	60,18	62,18
Ukioq ilinniarfik 2	68,42	71,42	73,42
Ukioq ilinniarfik 3	80,91	83,91	85,91

Ukioq ilinniarfik 4	83,76	86,76	88,76
Ukioq ilinniarfik 5	87,95	90,95	92,95

Sulinermik inuussutissarsiutillit allat:

Ukiut isumaqatigiissuteqarfiit	1. april 2026-mit	1. april 2027-mit	1. april 2028-mit
	Akunnermut Kr.-it.	Akunnermut Kr.-it.	Akunnermut Kr.-it.
Suliamik ilinniagaqanngitsut 18-it inorlugit ukiullit	53,57	56,07	58,07
Suliamik ilinniaqanngitsut 18-it qaagerlugit ukiullit	107,06	110,56	113,31
Suliamik ilinniagaqartut	125,66	129,91	132,91

§ 17 - Qaangiuttoornerit

Qaangiuttoornerit sapinngisamik pinaveersaartinneqartassapput. Nalinginnaasumik suliffis-saq qaangerlugu, tassa ullut 14-it ingerlanerini nal. akunneri 80-it sinnerneqartillugit, takuuk § 2, qaangiuttoortoqartillugu, tamannalu qaangiuttoornertut peqqussutigineqarsimappat nakkutigineqarsimappallu, nal. akunnersusiaq taperneqartassaaq. Taperitassaq nal. akun-nerinut tamanut tunngaviumik akissarsiat § 16-imi taaneqartut 50 %-erissavaat, kisiannili lærlinginut taperititaq suliamik ilinniagaqanngitsut 18-ileereersut tunngaviumik akissar-siaasa 50 %-iinik annertussuseqassaaq:

Qaangiuttoornermut tapisiat	1. april 2026-mit	1. april 2027-mit	1. april 2028-mit
	Akunnermut Kr.-it.	Akunnermut Kr.-it.	Akunnermut Kr.-it.
Lærlinginut ukiut Ilinniarfiit Apeqqutaatinnagu	53,53	55,28	56,66
Suliamik Ilinniagaqanngitsut 18-it inorlugit ukiullit	26,79	28,04	29,04
Suliamik ilinniagaqanngitsut 18-it qaagerlugit ukiullit	53,53	55,28	56,66
Suliamik ilinniagaqartut	62,83	64,96	66,46

Imm. 2. Sulinermit inuussutissarsiutillit piffissamit akissarsiorfimmit sivikinnerusumik atorfeqarsimasut piffissaq akissarsiorfiat naatsorsorneqartassaaq ullormut nal. akunnerinik arfineq pingasunik, taamaattorli sap. akunneranut nal. akunnerinik 40-nik.

Imm. 3. Qaangiuttoornissaq ullormi qaangiuttoorfissami nalinginnaasumik suliffiup naanissaa kingusinnerpaamik nal. akunnerinik tallimanik sioqqullugu ilimasaarutigineqareertassaaq. Ilimasaarutigineqarsimangikkaangat nal. akunneri qaangiuttoorfiorpiartut qaangiuttoornermik nal. akunneranik ataatsimik ilaneqartassapput.

Imm. 4. Qaangiuttoornerit nalinginnaasumik suliffiup nalinginnaasumik sivissusianut naleqqiullugu ikinnerpaamik nal. akunnerinik sisamanik amerlanerugaangata nal. akunneri qaangiuttoorfiorpiartut qaangiuttoornermik nal. akunneranik ataatsimik ilaneqartassapput.

Imm. 5. Sulinermit inuussutissarsiutilik suliffini qimareerlugu ulluniluunniit sulingiffimmini suliartoqqunekaruni minnerpaamik nal. akunnerini sisamani akissarsiassanik akilerneqassaaq.

§ 18 - Sapaatini nalliuttunilu tapisiat

Sapaatini nalliuttunilu sulinerni tunngaviusumik akissarsianut tapeqartitsisoqartassaaq. Tapisiat nal. akunnerinut tamanut tunngaviusumik akissarsiat § 16-imi taaneqartut 50 %-eris-savaat, kisiannili lærlinginut suliamik ilinniagaqanngitsunut 18-inik ukioqalereersunut tunngaviusumik akissarsiarititat 50 % -erissallugit:

Ukiut isumaqatigiissuteqarfiit	1. april 2026- miit	1. april 2027- miit	1. april 2028- miit
Sapaatini nalliuttunilu tapisiat	Akunnermut Kr.-it	Akunnermut Kr.-it	Akunnermut Kr.-it
Lærlinginut ukiut ilinniarfiit apeqqutaatinnagit	53,53	55,28	56,66
Suliamik ilinniagaqanngitsut 18-it inorlugit ukiullit	26,79	28,04	29,04
Suliamik ilinniagaqanngitsut 18-it qaagerlugit ukiullit	53,53	55,28	56,66
Suliamik ilinniagaqartut	62,83	64,96	66,46

Qaangiuttortoqarpat, takuuk § 17, imm. 1 naapertorlugu qaangiuttoornersisitsisoqassaaq.

Imm. 2. Ullut uku nalliuttutut naatsorsuunneqarput:

- Ukiortaaq, 1. januaari.
- Kunngit pingasut (nal. 12 kingorna), 6. januaari
- Sisamangorneq illernartoq,
- Tallimangorneq tannaartoq,
- Poorskip ullua Poorskillu aappaa,
- Nunani tamalaani sulisartut ulluat 1. maaji (ulloq naallugu),
- Tussiarfissuaq,

- Qilaliarfik,
- Pinsep aappaa
- Kalaallit Nunaanni inuiattut ullorsiorneq, 21. juuni,
- Juulliaraq, 24. decembari,
- Juullip ullua, 25. decembari,
- Juullip ulluisa aappaat, 26. decembari,
- Ukiutoq, 31. decembari.

§ 19 - Nalliuttuni ulluinnartigoortuni tapisiat

Nalliuttutut ulluinnartigoortutut naatsorsuunneqarput nalliuttut § 18, imm. 2-mi taaneqartut, sapaat nalerunngikkaangassuk.

Imm. 2. Ima aningaasartalinnik nalliuttunut ulluinnartigoortunut tapisiaqartitsisoqartassaaq:

	Nalliuttunut ulluinnartigoortunut ilivitsunut	Nalliuttunut ulluinnartigoortunut affarnut
Ilinniartut, Suliamik ilinniagaqanngitsut 18-it sinnerlugit ukiullit, Suliamik ilinniagaqartut	300 kr.it	150 kr.it
Suliamik ilinniagaqanngitsut 18-it inorlugit ukiullit	150 kr.-it	75 kr.-it

taamatulli tapisiaqassagaanni uku marluk eqquutsinneqassapput:

- Sulineramik inuussutissarsiuteqartoq nalliuttup ulluinnartigoortup siuninnguatigut Suliffimmi tassanerpiaq atasuinnarmik ulluni tallimani sulisimassaaq.
- Sulineramik inuussutissarsiutilik nalliuttoq ulluinnartigoortoq sioqqullugu kinguninnguatigulluunniit unioqqutitsilluni sulinngitsoorsimassanngilaq.

Imm. 3. Nalliuttumi ulluinnartigoortumi sulisoqarsimappat nalliuttumut ulluinnartigoortumut akissarsisitsisoqassaaq imm. 2 naapertorlugu isumaqatigiissutit malillugit akissarsiat qaavisigut.

Imm. 4. Sulinerмик inuussutissarsiutillit piffissap ilaannaanut sulisartut ulluni 14-ini nalinginnaasumik suliffissaatitaasumut naleqqiullugu nal. akunneri 40-t inorlugit nalinginnaasumik sulisimagunik nalliuttunut ulluinnartigoortunut tapisiarissavaat aningaasat imm. 2-mi taaneqartut affaat.

§ 20 - Piffissami nikingasumi sulinermut tapisiat

Piffissaq suliffik piffissat suliffissaatitaasut § 2, imm. 1-imi taaneqartut avataaniippat tunngaviusumik akissarsiat imatut tapeqartinneqassapput:

Ulluinnaat	00:00 – 06:00		17:00 – 23:00	23:00 – 24:00
Nal. ak.	Kr. 7,00		Kr. 4,00	Kr. 7,00
Arfininngorneq	00:00 – 07:00		14:00 – 23:00	23:00 – 24:00
Nal. ak.	Kr. 7,00		Kr. 7,00	Kr. 7,00
Sapaat	00:00 – 07:00	07:00 – 14:00	14:00 – 23:00	23:00 – 24:00
Nal. ak.	Kr. 7,00	Kr. 7,00	Kr. 7,00	Kr. 7,00

Imm. 2. Sapaammi sulinermi taakkua saniatigut sapaammi nalliuttunilu sulinermut tapisiaqartitsisoqartassaaq § 18, imm. 1 naapertorlugu.

Imm. 3. § 17 naapertorlugu qaangiuttoortoqarpat taakkua saniatigut § 17, imm. 1 naapertorlugu qaangiuttoornersisitsisoqassaaq.

§ 21 - Paarlaattarluni sulinermut tapisiat

Paarlaattarluni sulinermut tunngaviusumik akissarsianut tapisiaqartitsisoqartassaaq. Tapisiat nal. akunnerinut tamanut imaapput:

Paarlaanneq 1 - Ullukkoorneq	kr. 0,00
Paarlaanneq 2 - Unnukkoorneq	kr. 4,00
Paarlaanneq 3 - Unnuarsiorneq	kr. 7,00

Imm. 2. § 20 naapertorlugu piffissami nikingasumi sulinermut tapisiaqaatigaluni imm. 1 naapertorlugu paarlaattarluni sulinermut tapisiaqartoqarsinnaangilaq.

Imm. 3. § 17 naapertorlugu qaangiuttoortoqarpas § 17, imm. 1 naapertorlugu qaangiuttoornersisitsisoqassaaq.

Imm. 4. Paarlaannerit aappaanni pingajuannilu nal. akunnerisa 40-t anguneqarneri tamaasa pissarsiarineqassaaq akissarsiaqarluni nal. akunnerini marlunni sulinngikkallarsinnaatitaaneq, taakkulu sulisitsisup sulinermillu inuussutissarsiutillip, sulisut sinniisaat aqutigalugu isumaqatigiissuteqarnerat tunngavigalugu katersorneqarlutik ullortut sulinngiffittut ilivitsutut ator-neqartassapput. Paarlaannerit aappaanni pingajuannilu sap. akunnerata ulluisa ilaannaanni sulinermi piffissamut suliffigisimasamut naapertuuttumik sulinngikkallarfiisaq pissarsiarineqartassaaq.

§ 22 - Akkorderluni sulineq

Illuatungeriit isumaqatigiissutigaat suliat akkorderluni suliarineqarsinnaasut akkordernertullu akilersorneqarsinnaasut. Tamanna pisinnaangikkaangat § 23 naapertorlugu tapisiaqartitsisoqartassaaq.

Imm. 2. Suliffeqarfinni ataasiakkaani akkorderluni sulinermi akissarsiassanik aaqqissuussi-nerit akissarsisiteriaatsillu (bonussystem) sulisitsisup sulisullu sinniisaata, taassumaluunniit taartaata, akornanni isumaqatigiissutigineqartassapput. Taakkua isumaqatigiinniutiginerini sulisut sinniisaata piumasarisinnaavaa SIK-p immikkoortoqarfiani siulersuisut sinniisaannik peqataasoqarnissaa.

Imm. 3. Suliffeqarfinni ataasiakkaani akkorderluni sulinermi akissarsiassanik aaqqissuussi-nerit sulisut sinniisaannit taassumaluunniit taartaanit sulisitsisumillu atsiorneqartassapput, allatullu isumaqatigiittoqarsimangippat atuuttussaapput illua-tungeriit arlaannit qaam-mammik ataatsimik sioqqutsisumik ilimasaarereernikkut atorunnaarsinneqarnissamik tun-gaannut. Atorunnaarsitsinissamik ilimasaarutip naareernerani illua-tungeriit tamarmik pisinnaatitaapput isumaqatigiissut atuuttoq malillugu nal. akunneranut akissarsiaqartitsineq tunngavigalugu suliap ingerlateqqunissaanut, tamanna sioqqullugu isumaqatigiinniarnikkut suliffeqarfimmut nutaamik isumaqatigiissuteqartoqarsimangippat. Akkorderluni sulinermi akigititassat atsiukkat kiisalu akkorderfiusussat nalunaarsorsimaffii SIK-mut ilisimatitsis-sutitut nassiunneqartassapput.

Imm. 4. Akkordernermi akissarsiarititassat ullormut akissarsiffissamut naammassillugit naat-sorsorneqarsinnaangikkaangata akkorderluni sulinermi siumoortumik akissarsisitsisoqartas-saaq sulinermik inuussutissarsiutillip pineqartup tunngaviusumik akissarsiaatut annertussu-silinnik.

Imm. 5. Allamik isumaqatigiissuteqartoqarsimangikkaangat ataatsimoorluni akkordernermi akissarsiassat agguanneqartassapput nal. akunneri akkordernermi pineqartumi peqataasut ataasiakkaat suliffigisimasaat tunngavigalugit.

Imm. 6. Lærlingit akkordernermi peqataagunik akkordernermi peqataaneri akkordernermilu sinneqartoorutininik pissarseqataanerit naatsorsorneqartassapput nal. akunneri suliffigisatik, imm. 5-imi taaneqartut akkordernermi peqataasut tunngaviusumik akissarsiaannut naleq-qiussat, naapertorlugit.

Imm. 7. Akkorderluni sulinermi tunngavissaatinneqarpoq sulisartut nalinginnaasumik sakkugisartagaasa saniatigut atortussat sakkussallu iluaqutissat atorneqalernerminni tigeriaannaassasut. Piffissat utaqqiffiusut, atortussat sakkussallu iluaqutissat angallanneqarnerat kiisalu akornutit sillimaffigieringisat pissutigalugit kinguaattoornerit sulinermik inuussutissarsiutillit ataasiakkaat nalinginnaasumik nal. akunnermusiaasa nalinginik akilerneqartassapput. Suliap ingerlanneqarnerata nalaani akkorderluni sulineq sulisitsisup piumasaa malillugu allangortinneqarpat, allangortitsinerup kingunerisaanik immikkut piffissaajaa-tigisamut sulinermik inuussutissarsiutilik nalinginnaasumik nal. akunnermusiaasa nalinginik akilerneqartussaavoq.

§ 23 - Akkordersinnaannginnermut tapisiat

Sulianut akkordernertut ingerlanneqanngitsunut akkordersinnaannginnermut nal. akunneranut imatut tapisiaqartitsisoqassaaq:

Akkordersinnaannginnermut tapisiat	Nal. ak.
Lærlingit ukiut ilinniarfiit apeqqutaatinnagit	kr. 0,00
Suliamik ilinniagaqanngitsut 18-it inorlugit ukiullit	kr. 5,40
Suliamik ilinniagaqanngitsut 18-it qaagerlugit ukiullit	kr. 7,00
Suliamik ilinniagaqartut	kr. 8,00

§ 24 - Sulinermik unitsitsinerit

Sulinermik inuussutissarsiuteqartoq sivikinnerpaamik ulluni 30-ni suliffeqarfimmi sulisuusimasoq silalu pissutigalugu suliaminik pilersaarutaareersunik ingerlatsisinnaanngitsoq suliamullu allamut innersuunneqarsinnaanngitsoq, nalinginnaasumik suliffiup aallartinnerani

angerlartinneqarsimagaluaruniluunniit piffissap ullormut suliffissap nalinganut nalinginnaasumik nal. akunnermusiaminik akissarsisinneqassaaq.

Imm. 2. Lærlingilli sila pissutigalugu sulinnginnerni imm. 1-imi aalajangersagaq apeqqutaattinnagu akissarsiassaqtuarput.

Imm. 3. Sulinermik inuussutissarsiutillit ullut 30-it inorlugit suliffeqarfimmi sulisuusimasut suliartoqquneqarsimagaluarlutik sila pissutigalugu angerlartitaasut piffissap suliffigerpiarsimasamik nalinganut akilerneqassapput, minnerpaamilli nal. akunnerinut sisamanut.

§ 25 - Suliartoqquneqaratarsinnaanermut tapisiaq

Sulinermik inuussutissarsiutillit qaangiuttoorneriaannut, sapaatini nalliuttunilu tapisiat aamma piffissami nikingasumi sulinermut tapisiaannut taarsiullugu suliartoqquneqaratarsinnaanermut tapisiaqartinneqarsinnaapput. Suliartoqquneqaratarsinnaanermut tapisiap annertussusaali tapisiaajunnartussaagaluaniiit annikinnerusunik sulinermik inuussutissarsiutillit tapisiaqartinneqarsinnaanngillat.

Imm. 2. Suliartoqquneqaratarsinnaanermut tapisiap annertussusissaa sulisitsisup, sulisartup taassumalu sinniisaata akornanni isumaqatigiinniareernikkut aalajangersarneqassaaq. Tapisiap annertussusissaa sulisitsisup sulisartullu isumaqatigiissutigisinnaanngippassuk suliassaq illua'tungeriit akornanni isumaqatigiinniutissatut suliassiissutigineqarsinnaavoq.

§ 26 - Immikkut tapisiat

Immikkut ittunik pissutissaqartoqartillugu sulisitsisup sulisullu sinniisaata isumaqatigiinniareernerisigut sulinermik inuussutissarsiutilik inuttut immikkut tapisiaqartinneqarsinnaavoq.

Imm. 2. Suliffeqarfimmi sulisut sinniisoqanngippata, aammalu sulisup sulisitsisullu inuup nammineq tapisiai isumaqatigiissutigisinnaanngippatigit, isumaqatigiinniarnermi sulisoq SIK-

miit ikiorneqarsinnaavoq. Isumaqatigiittoqanngippat suliaq SIK-p aamma GE-p akornanni aalajangigassanngorlugu suliassanngortinneqassaaq.

§ 27 - Soraarnerussutisiassanut akiliutissat taakkualu akilerneqartarneri

Sulinermik inuussutissarsiuteqartup soraarnerussutisiassaanut akiliutitut sulisitsisup Suliner-
mik Inuussutissarsiuteqartut Soraarnerussutisiaqalernissamut Aningaasaateqarfian-nut SISA-
mut akilertassavai:

Tunngaviusumik akissarsiat, takuuk § 17 sulinermik inuussutissarsiutilimmut 18-inik ukioqa-
lersimasumut sinnerluguluunniit ukiulimmut.

- Apriilip 1-ani 2026-miit: 10,00 %-i.
- Apriilip 1-ani 2028-miit: 11,25 %-i.

Lærling-inut aamma soraarnerussutisiassaanut akiliuteqartoqassaaq.

	1. april 2026	1. april 2027	1.april 2028
Sulisitsisup soraarnerussiassanut akiliutai	10 %	10 %	11,25 %
Lærlingit	Kr. pr. time	Kr. pr. time	Kr. pr. time
Qaammatit pingasut siulliit	4,89	5,19	6,07
Ukiup Ilinniarfiusup 1-ip sinnerani	5,72	6,02	7,00
Ukiup Ilinniarfiusup 2-ani	6,84	7,14	8,26
Ukiup Ilinniarfiusup 3-ani	8,09	8,39	9,66
Ukiup Ilinniarfiusup 4-ani	8,38	8,68	9,99
Ukiup Ilinniarfiusup 5-ani	8,80	9,10	10,46
Suliamik ilinniagaqanngitsoq 18-it qaagerlugit ukiulik	10,71	11,06	12,75
Suliamik ilinniagaqartut	12,57	12,99	14,95

Imm. 2. Soraarnerussutisiaqalernissamut akiliutit imm. 1-imi taaneqartut saniatigut suliner-
mik inuussutissarsiuteqartoq sulisitsisumit soraarnerussutisiassaqartinneqarsinnaangilaq
ikiorsiissutisisinnaananiluunniit.

§ 28 - Soraarsitsinermik / soraarnermik nalunaarnissamut piffissaritit

Qaammatip atorfeqarfiusup siulliup ingerlanerani sulisitsisoq sulinermilluunniit inuussutis-
sarsiuteqartoq atorfeqarnerup atorunnaarsinnissaanut atatillugu ilimasaarinissaminnut
pisussaataangillat. Tamatuma kingorna makku atuutissapput:

	Sulisitsisumit	Sulinermik inuussutissarsiuteqartumit
Suliamik ilinniagaqanngitsut		
Ukiup atorfeqarfiup 1-ip sinnerani	Sap. ak. 2	Ullut 3
Ukiuni atorfeqarfinni 2-mi, 3-mi 4-milu	Sap. ak. 3	Sap. ak. 1
Tamatuma kingorna	Sap. ak. 4	Sap. ak. 1
Suliamik ilinniagaqartunut		
Ukiup atorfeqarfiup 1-ip sinnerani	Sap. ak. 2	Ullut 3
Ukiuni atorfeqarfinni 2-mi, 3-mi 4-milu	Sap. ak. 4	Sap. ak. 2
Tamatuma kingorna	Sap. ak. 6	Sap. ak. 3

Imm. 2. Soraarsitsinermik / soraarnermik ilimasaarinissamut piffissaritit imm. 1-imiittut
sulinermik inuussutissarsiutilinnut piffissani taaneqartuni suliffimmi tassanerpiaq ataannar-

tumik sulisimasunut atuuqput. Pissutsilli makku sulinermik kipititsinertut naatsorsuunneqanngillat:

- a) napparsimaneq nal. akunneri 24-t ingerlareersinnagit suliffeqarfimmut ka-
lerriunneqartoq,
- b) naartuneq, ernineq qitornavissartaarnerlu pillugit Inatsisartut peqqussu-
taat naapertorlugu sulinnginneq, imaluunniit
- c) maskiinat unittoornerat, atortussanik amigaateqarneq taamaaqataalluun-
niit pissutigalugit sulinerup kipitinneqareernerani sulinermik inuussutissar-
siuteqartup neqeroorfigineqarnini tunngavigalugu sulinini ingerlateqqiler-
pagu,
- d) sulisitsiup sulinermillu inuussutissarsiuteqartup isumaqatigiissuteqarnerat
tunngavigalugu suliffeqarfimmi tassanerpiaq immikkoortortaqarfimmiit
immikkoortortaqarfimmut allamut nuutsitaasoqartillugu.

Imm. 3. Piffissaq sulisitsisup ilimasaarisussaaffia atorunnaassaaq sulinermik inuussutissar-
siuteqartoq atorfeqartitaanerminik sumiginnaappat.

Imm. 4. Aamma ilimasaarisussaataaneq atorunnaassaaq maskiinat unittoornerat, atortus-
sanik amigaateqarneq ilimagereersinnaanngisalluunniit allat, ingerlatsinermik tamakkiisumik
ilaannakortumilluunniit unitsitsisut pissutigalugit suliffigisami sulisoqarsinnaajunnaaral-
larpat.

Imm. 5. Sulinermik inuussutissarsiuteqartup taamatullu sulisitsisup soraarniutini soraarsi-
tsissutissaniluunniit allaganngorlugu nalunaarutigissavaa.

§ 29 - Piffissaq isumaqatigiissutip atuuffissaa

Isumaqatigiissut una atortuulerpoq 1. april 2026-miit. Isumaqatigiissut illua-tungeriit arlaannit atorunnaartussangortinneqarsinnaavoq qaammatinik pingasunik ilimasaarilluni 31. marts atorunnaartussanngorlugu, taamaattorli siusinnerpaamik 31. marts 2029-imi.

Imm. 2. Isumaqatigiissutip atorunnaartussanngornerata kingorna nutaamik isumaqatigiis-suteqarnissap tungaanut akissarsiaqartitsisoqassaaq akissarsiat 31. marts 2029 atuuttut malillugit.

Imm. 3. Aammattaaq Kalaallit Nunaanni Sulisitsisut isumaqatigiissut una aqutugalugu pia-reersimavoq ilaasortani peqqussallugit SIK-mi ilaasortat salliutillugit sulisorisaqqullugit.

Isumaqatigiissutip matuma isumaqatigiissutigineqarneratigut una atorunnaarsinneqarpoq: Kalaallit Nunaanni Sulisitsisut peqatigiiffiat aamma Sulinermik Inuussutissarsiuteqartut Kattuffiata akornani isumaqatigiissutaat apriliip 3-ani 2023-meersoq: Kiffartuussineq aamma Assartuineq.

Nuuk, ulloq 31.03.2026

Sulinermik Inuussutissarsiuteqartut Kattuffiat

Sulisitsisut

Jess G. Berthelsen

Christian Keldsen

Kattuffimmi Siulittaasoq

Direktør-i

- *Qallunaatuua atsiorneqarpoq.*